

廣雅碎金附錄（二）
榆園雜興詩



榆園雜興詩

袁振業 著

中華書局

叢書集成初編

廣雅碎金（及其他一種）二冊

中華書局出版發行

（北京王府井大街三十六號）

秦皇島市資料印刷廠印刷

一九八五年北京新一版

開本：七八七乘一〇九二毫米 三十二分之一

統一書號：一七〇一八·一五一

榆園雜興詩敘

自桐君以西羣山蜿蜒如虬龍。衡、婺、歙三州之水環流其下。凡九十六瀨。嚴陵其二也。軋盤涌裔。匯爲桐江。謝康樂詩所謂石淺水潺湲。日落山照耀也。上有東西釣臺。高各數百仞。與釣臺相對者曰蘆茨原。林壑陰翳。唐方干棲遁結廬之所。桐廬信詩人之國哉。予於並世得二袁焉。曰重黎侍御昶。與其從兄潤甫先生振業。重黎於學無所不窺。左右采獲。以昌其詩。塞芳樹軌。益閎以肆。而先生一邱一壑。泊兮若無營。不煩繩削。動與古會。其眎康樂。未知何如。方之辛英。似較超軼絕塵矣。蓋重黎蚤與勝流。夙耽淨業。發子雲壯夫不爲之歎。鄙李何牛耳囂然之習。泊官輦下。望實並茂。益得珣鑣元化。揮斥四裔。故出其餘事以爲詩。鎔裁經傳。挈貫物理。先生則秉孤澹之操。標蕭遠之旨。提鵬掣鷺。自放於水淪風濤之鄉。故其爲詩。優柔平中。極比興之能事。重黎之詩肆。先生之詩醇。所詣或少殊。其稱其地之所滂薄蘊畜充實。不可以已則一也。予交重黎二十餘年。而不獲識先生。識先生詩於重黎許。先生年且六十矣。重黎屬一言弁簡端。予北征既賦。不得揖遜桐君。介一觴爲先生壽。日手是編而景仰之。山高水長之風。雖不能至。心嚮往之。它日與重黎一權圖南。從先生瀨上。以詩歌相酬答。客星之曜邪。朱鳥之晉邪。雲山之韶濩邪。先生其有以廣我矣。壬辰春二月。金壇馮煦。

榆園雜興詩

行經香鑪峯下訪報恩寺

芳郭里人袁振業

初地淨瑠璃，壇風盡日吹。犬迎知客到，雲合覺山移。細草承趺坐，青松當屢枝。谷栖如可老，何以世緣爲。

江望

微風吹白芷，水曲幽香發。隔浦望歸樵，孤煙表村落。稚子弄流杯，山人行采藥。臥諷玉書文，還來倚江閣。

白水鄉山下荷花

草樹翳磽岸，青山如浴螺。下尋沙際盡，忽見風中荷。無人只獨賞，翠鳥亦時過。紅芳開未歇，不採復如何。

南村方氏茅亭

晚悟謝塵紉，閉關三十年。去年籬下酌，共藉菊花眠。山檻看落日，潭鱗躍蒼煙。幾迴俗士駕，劇杖出園泉。

開堂竹色淨

行汲水紋圓。不羨石渠議，高詠鹿門篇。誰識榮期壽，寒裘只著棉。

古香丈年近九十，尙健飯。

蘄竹簾

炎空氣霧淨，午枕撼風船。幾尺漪紋展，中有蒼簷煙。巖栖老安帖，卻謝區中緣。炎歊障自卻，舒卷理亦便。

方笑蒙園叟意適遽遽然

和趙友農四丈獨釣

朝穿霧樹出。晚度石橋迴。柳影魚方暖。萍嫩鷺忽開。危蹲或有石。標寄不名臺。兼分藥苗種。時隨蕪采來。沾得村醪醺。催迎穉子哈。

冥酒

世累託賤役。時平守枯株。所嗟稻梁計。場圃亦已蕪。向子悟日損。卜氏歎形癯。年長未聞道。徒爲形迹拘。文終隱刀筆。高密寄耆夫。古來賢達人。或侶釣與屠。我則異於是。甘爲仲長徒。蕭瑟河渚閒。培韻結歡娛。昨約東皋子。冥酒炊彫胡。酣適相枕藉。擊壤嬰唐虞。

示師谷庵高漢律師

林鳥曙鐘散。蒼然衆山寂。起諷楞伽字。還參雪色壁。野外無人居。巖溜時一滴。蒼鼠亦忘機。仰拱松枝適。鍾山寺

謝參軍墓

直上徑紆曲。孤尋撥白雲。忽露招提脊。餘梵出煙溫。迴看下山路。但見牛羊羣。擾擾人間世。溪聲蕩夕曛。峽岸立積鐵。蒼厓一千尺。前朝晞髮人。於此盪營魄。天地既異色。漂搖焉所宅。蕭條冬青林。煙薶六陵迹。孤鳳北去斷。寒月照祖席。魂招不可來。血化千年碧。空山寂無人。口銜一片石。蒼海無時填。風濤盛阻積。難反柴市魂。空爲釣壇客。精誠留天壤。不逐駒過隙。我來奠椒漿。林木氣爲白。

於潛道中望天目山

太虛信寥廓，眞宰蟠昭融。南條奮鱗鬣，嶺峯三州中。紫煙時隱現，金堂微徑通。蕩瀟流泉乳，崢嶸排天宇。空藏雲岫如複表，塔氣猶蔥迴。瞻化城異，暮散青林鐘。可望不可即，擘開蒼峽龍。

與從弟義亭游桓山

晉時丹陽人許邁采藥於此

許君昔栖託，服餌希神仙。插樊止游客，結茅乃山巔。丹井亦以湮，斷垣無復塹。至今溪口樹，桃花紅欲燃。華萋濯春雨，瓊藥含朝煙。日落山鬼嘯，天風何泠然。汗漫一枝筇，與子長周旋。

杏花

老屋垣西一株樹，根蟠半畝濃陰布。春來花覆幾家簷，落藥游絲拂簾度。蜂蝶紛紛過薜牆，哀東柴北胡中央。絳綃翦出千條纈，紅雨漫空十日香。游人上已連寒食，露泫胭脂勻臉色。嬌如宮井景陽妝，月下嬌愁傾一國。僕家高樓切雲起，山寺鐘聲聲入耳。酒家近處少青帘，一瞰平蕪三十里。書幌清幽晚課殘，洞窗綠綺偶開看。仙姿正對飛瓊面，點筆婆娑倚石闌。自從烽火連辛酉，仙根摧折樵蘇手。比屋俄成瓦礫場，荒園竟爲狐貍有。崇聖祠頭梅十株，鸞渚虬臥畫難如。同時亦付胡塵劫，無復香圍青豆廬。何況當年同社人，摧蘭作艾桂爲薪。門巷全非舊宅主，鬢毛但睹少年新。重支茅屋三椽足，樓拓晴窗無麗矚。只餘曾嶺四奇松，遠翠凝停猶在目。桑海遷移話百年，黃鸝歌動我淒然。倚雲再種西垣杏，欲倩醫王跨虎仙。

西鄉

曉行深谷裏，微霧見平曠。日出青林露，珠璣翠欲流。麥田驚雉去，竹屋囀禽幽。吾師田水聲，潺潺北山頭。

閒居

南窗垂柳映迴溪，已字闌干不厭低。一片雲飛春嶼北，半隄人簇畫橋西。花閒煮酒催村僕，竹下彈棋慰病妻。莫謂此閒無可隱，風湍江檻足留題。

小軒虛寂夜如何，七椀盧仝不厭多。寒犬吠闌明野火，翠禽栖穩翳煙蘿。津頭曉鼓猶虛警，窗外輕帆已警過。如此江鄉堪入畫，身居畫裏不煩摹。

閒來散步出東城，桑徑欹斜撥杖行。春社明朝猶待燕，江村二月已喧鶯。裁看村女營蠶事，又課棚丁叱犢耕。惟有幽人無一事，合江亭下看潮生。

稚子

朝來稚子伴翁嬉，林下攀條學作籬。嵌石穿渠供一笑，卻思風味似兒時。

癸未正月偕友人至九里洲看梅花

岸隨舟轉泛澄江，無數青山過小窗。未叩溪堂尋野老，先看村落出驚龍。

佳人遠訊滯疎麻，問訊南村第一花。忽見橫枝出籬落，綠煙蒙密見人家。

凍崦冰池蝶不來，山南已作五分開。錯疑翦取鵝溪絹，雜綴三天明鏡臺。

村舍真成白玉京，虬姿玉骨繚縱橫。人間無此真清福，修到仙家第幾生。

唐日危亭一角存。落英飛下復粘樽。穿林一片溪迴雪。猶有前朝釣石溫。
度世翛然隔幾塵。凍蛟爲脊玉精神。瘦筇喚取坊西沈。來爲奇花一寫真。
沈秋白善畫梅有華光遺法。
小榼殘杯各自攜。先判花下醉如泥。臥看絕壁天光大。仙洞扉開路轉迷。

茶煙

戴公山下汲清泉。礪戶絲絲裊裊煙。知是前村茶熟候。一甌初試乳花圓。

江上

浪卷前朝龍尾沙。江心界破一條斜。秋來水澗沙痕見。蠨舍新添三兩家。

山家

欲到山家問小童。松閒獨立指疎桐。不知採藥人何在。想像丹爐雲霧中。

安樂山

安樂峯前暮色酣。煙光雲影兩相參。疎鐘隱約三山塔。舊蹟猶存一鉢菴。

欲雪

朔風獵獵吹寒江。山木慘淡明虛窗。東鄰初熟竹葉酒。西舍欲滅松肪缸。
老屋芋鑪無宿火。誰家凍笛不成腔。漁翁料得明朝雪。挺叉突叫冰魚雙。

寄白雲源中人

占得山鄉復水鄉。拈槎溪路似羊腸。隔江牧笛吹殘雨。近渡漁舟盪夕陽。近得道書蓮瓣夾。新篘村酒菊花香。南樓久遲望不到。肯伴潛夫一舉觴。

泳修上人重建圓通寺落成。忽又參方。不知所往。詩以訊之。

榛蕪久已沒禪堂。金碧俄成作寶坊。梵行爾眞爲外護。祇林還遣復圓光。孤雲忽去誰家崦。野鶴無心再宿桑。底事功成身便退。飄然折屐向何方。

野興

有時野興詩心發。索筆追逋一字難。此景得來寧獨我。古人佳句幾開看。

答人問

莫謂秋來無雅趣。東籬黃菊兩三畦。高眠自恣朝餐懶。起看長林卷霧齊。

桐君禪寺

道院今翻作梵宮。山陰有客養虛沖。厓無去馬來牛迹。樵有朝南暮北風。塵事紛紛丹竈外。爐煙寂寂白雲中。浮囊欲致騷鸞侶。閒看晴雲上碧空。

午睡

白晝攤書倦不支。匡牀竹簟意嫌遲。劫殘棋客行須去。齋罷山僧散不知。一枕味餘留淨土。三杯悟後見皇羲。小窗夢醒茶初熟。風送簷花落硯池。

秋晚

荻亂閃漁燈。秋江暮色增。鳴榔喧隔岸。一箇夜歸僧。

君山

塔影臥煙中。楸花曲徑通。人言山路窄。我覺世緣空。

哭四弟義亭

七困鄉闈有底悲。雨窗無復對床時。爭禁鶴髮垂扶杖。忽厄鵠原又折枝。多難芋田無舊業。前游梅嶺有新詩。寄書憑雁將雙淚。報與金門隱吏知。

石屋隄先人別業

迴泝兒時意欲癡。本來清德畏人知。芸繡簾祕三冬用。竹引溪筒一溉時。小澗尙留松化石。皴苔猶記壁粘詩。荒墟雖在耕無力。但待兒孫課未遲。

十一弟北行省七弟於京師口占送之

峽東蒼江浪作堆。枝官一去滯燕臺。三千里外書宜數。十四年前客未回。好去布帆終日穩。壯觀海市一樽開。問予但說身強健。爲報江鄉已熟梅。

大奇山瀑布

招提素脊出增雲。濺沫飛流失潑垠。直下衝軻愁地坼。橫挖礪戶亘天紳。兩龍爭壑那知夜。一布懸空欲

度人此亦曹溪泉味別。木魚風響待修真。

九頭松

奇松偃蓋對沙洲。勢欲飛鳴遠噴投。風起偏疑遙吹度。雨餘誤聽怒濤流。仙人白鹿行常見。老父青羊去不休。攜榼登山無十里。厓光一綫射江樓。

春晚

垂柳繫江船。風灘落檻前。一聲春去也。卻是散花天。春去也。吾鄉所在有之。卽子規也。

紅樹

槭槭寒林動遠空。昨宵淒緊已霜風。不辭欹杖三叉路。看遍溪南樹樹紅。秋山明媚鬪殘妝。翦纈裁緋舞一場。老去莫嫌文事退。能迴絢爛占風光。背日丹楓得秋早。春光那似秋光好。送與天池落木翁。煮茶爲課家僮掃。

望龜山

海氣百重昏。銀濤萬馬奔。亂流爭一綫。赤岸壯雙門。秋色平分樹。煙光數點村。東維此鑊餉。奔淩拱中原。

西崦探梅

故園催臘盡。寒谷喚春回。野渡無人迹。芳樽盡日開。鐘殘淨土寺。雪覆上方臺。芒屨衝寒至。孤筇蹋雪來。橫枝冒翠羽。落葉照蒼苔。傾壺就沙際。倒盡蒲桃醅。願化青田鶴。長栖瓊栗堆。

戲贈灑園上座

前朝老衲門風頗黃篋團腰春自簾。隔牆斂衲不聞聲。雪竹打窗爐撥火。不著於坐而禪觀。高屐穿林野
花安。春來呢筍作伊蒲。秋至釘盤摘山果。長廊月上清齋罷。破落山門夜無鎖。